

Narodni list.

Pučki list za politiku i pouku.

„Narod bez narodnosti jest tlo bez kosti!“

Bra. G.

Volosko-Opatija u četvrtak 7. veljače 1901.

God. III.

Na oltar domovine.

Kada je leta 1848 bila Slavonija va pogibelje da na nju udre Ungarezi, Hrvati su zamolili bana Jelačića da spasi zemlju. Dne 4. jula ustal je dični ban va hrvatskem sabore i rekao je ovo:

Gospodo moja! Ja ēu od srca rado spasiti našu domovinu od neprijatelja, samo mi dajte pomoći. Imam 30 do 40 tisuć pripravne vojske. Ma dajte mi beći s kemi ēu ja prehranit vojsku. Dali ste mi vlast, to je istina, ma ča to koristi? Neka svaki da i na oltar domovine neka stavi koliko ki more! Ako onda bude od potrebe vojska, budite sigurni da ēu ja vodit. Ove su besedi banove storile pravo čudo.

Samo ča je ban Jelačić napomenul, da za obranit domovinu trebe i beći, prvi je ustal vrli domorodac Herman Bužan. On je znao z žepa 300 for. i stavil ih je pred bana na stol, a za tem je zamolil i druge domorodce da i oni tako stora. Vaje za njim stal se je zastupnik zagrebačkog kapitula Mato Vuković i rekao je: „Svi smo ovde sini jedne materi. Je ki mej nami ki nebi pomogal domovinu kada je ona va pogibelje? Zato dajem ja 200 for. srebra“. Sada se je oprlo srce vrednih zastupnika naroda. Svaki je dal ča je najviše mogao na oltar domovine. Jedan primer pak je do suza ganul sveh onih, ki su onde bili. Opat grčke crkvi Ilić, ki ni imel sobom ni krajecara, skinul je s vrata zlatnu kolajnu i križ, pa ga je dal banu i rekao mu je, da mu je slatko odelit se od tega zlata, kada je namenjen milenu rodu i domu. Ban Jelačić, ganut do suz, šal je dole a banskega stola i zel je u ruki darovani križ. Obrnul se je za tem zastupnikom i rekao: Ako je kada, to je sigurno sada ovi prečasti gospodin pokazal, da je vredan nosit ov sveti križ. Zato Vam ga gospodine nazad vraćam, pak ēu ja na mesto Vas dat 50 dukata, a Vi ēete mi ih vratiti, kada ih budete imeli. Na to je proplakal sivi starac opat Ilić i rekao: Da sada sam ovaj sveti križ držal kako spomen svoje svete dužnosti i kako nekakovo poticalo na svako dobro delo, ale od sada ēu ga držat kako najveće moje bogatstvo, kako dar preuzišenoga i ljubljenoga bana.

Ki će opisat onu veliku radost, ka je bila za tem va sabore? Ona skupščina najboljih domorodaca imela je sada prilike da pokaže koliko valja plemeno sreća. Mužki, ki nisu imeli beći, stavljali su pred bana zlatne i srebrenе ure i prsteni svoji. Kada su pak to videli gospode, ke su bile na galerije, skinule su s vrata zlatne kolajne, bracioleti

i rečini, pak su ih položile na oltar drage domovine.

Beći se je sabralo taj dan va sabore 15.536 for. va srebre. A zlata i srebra vrednosti od 5.530 for.

Ona silna ljubav za narodnu stvar prešla je i va grad Zagreb. Biskup Haulik poslal je isti dan banu Jelačiću 2.000 for. biskup Schrott 8.000 for., a one gospode iz Zagreba ke nisu bile va znamenitoj sjednici od 4. jula 1848 tugovale su se da nisu bile i one tamo, ale su za to i one dale svoje zlato na oltar domovine. Tako govori knjiga od dogodjaji onega znamenitega leta.

A mi znamo ča se je dogodilo. Ban je Jelačić s hrvatskom vojskom šal proti Ungarezom i više ih je puti strašno potukal. Da ni četrdeset i osmogaleta protekla hrvatska krv, da ni bilo sabilje junaka Jelačića bana, danas ne bi u Beču vladal naš cesar Franjo Josip I., a s druge strane čest hrvatske kraljevine bila bi za vavez pokopana, potamnjena.

Pa ipak ta je čest onega znamenitega leta zasjala kako najsajnije sunce, čigove nas zrake još i sada griju i duše nam napunjuju sladkinu, uspomenami na naše stare dede, na one dične naše junake. Vidite dakle, draga moja braćo, ča more storit ljubav do svoga naroda i domovine svoje. Ali ta ljubav išće od naši i neke žrtve aliti sagrificije, ki moraju bit toliko veći, koliko je i veća pogibelj, va koj se domovina nahodi.

A i naša se domovina Istra nahodi upravo sada va velikoj pogibelji. S jedne strane Talijani, a s druge plaćeni izdajice gledaju, kako bi nas do kraja zatrli, samo da od nas ne ostane ni traga ni spomena. I danas ta naša domovina vapije za pomoć. Pomožimo joj. Poslušajmo njuj glas. Ali ne samo govorom, samim se govorom malo utini, tu će se drugaće pomoći. Eto mi imamo društvo sv. Cirila i Metoda. To društvo hoće, da mej naš narod u Istri posije dobro sjeme narodne svjeti, ono hoće, da mej taj do sada tako zapuščeni puk prospe svjetlo znanja. Okupimo se oko toga društva, pritecimo mu u pomoć i znajmo, da svaki novčić, što ga žrtvujemo za to društvo, da taj novčić ide na oltar domovine Istre. Ja, još i to držimo na pameti, da je svaka kruna, ku mi damo temu društvu, jedna balota od puški va zversko sreća naših narodnih neprijatelja i prokletih izdajica, pa da ne će proći dugo vremena, da ćemo od neprijateljskog zatora oslobođit ovu našu grudu, na koj smo se rodili i od materinskih usti čuli prvu sladku hrvatsku besedu.

Da vidimo ki je za starinu i domaćinu i ki za nju dela!

Čovek, kega Talijani plaćaju, da pak našega roda i zajika u Istri bilo govorom ili pismom smuti proti vlastitoj kriji, taj čovek ima obrazu da narod vara da on i njegovi pojdaši su za to tu, da čuvaju i brane domaćinu i starinu, da ostane sve kako je bilo jedanput. To je pak sve gerda laž, izrečena samo za to, da se luhkoverni puk laglje prevari i predobiće za Talijana.

Najprije ćemo pitat, kade je temu talijanskemu plaćeniku ale njegovem pojdašom kakova starina ale domaćina? Te oni ale je nisu nikada ni imeli, ale su ju već šundrali, ale pak su ju z dugom, storenom va talijanskem Parenec, tako naprili, da će njim al prej al kašnje poći sve na bubenj. Kumpar Vicko bi Vam to mogao najbolje povesti.

Nego ne samo da ti talijanski plaćeniki ne moru delat za starinu, zač je nimaju, već mi znamo i neč drugo, najme da upravo ti isti talijanski plaćeniki delaju na svu silu, da se koliko prej zatare naš starinski, materinski, hrvatski zajik u Istri, ki je del naše starine i domaćine, samo da obvlada talijanski zajik, kega ni pol puka u Istri nerazum. Talijani su naime tim svojim plaćenikom tako zapovedeli, zač misle: Svaki zna, da se po zajike sudi našnost jednega kraja. Dunke ako bude istarski puk jedanput svoj zajik zatajil i poprijel se talijanskoga, onputa neće bit već u Istri ne Hervati ni Slavinci, nego svi te bit sve sami Talijani.

Da ti talijanski plaćeniki va istinu za tim gredu, vidi se iz tega, da se oni pred svakom oblasti služe na mesto svojega materinskega zajika, talijanskoga i, da su svako malo sada va Trste pak va Poreč, al va Pule a i na Voloskom, sve pul najvećih neprijatelji svega ča je u Istri slavensko, pul takovih ljudi, ki vavek i va svakoj prigode govor, da je Istra talijanska zemlja i da va njoj ne sme valjet drugi zajik ako ne talijanski. Ki ne veruje, neka samo kadagoder pročita talijanski „Piccolo“ al „Popolo Istriano“ i drugi folji.

Ne samo da bi ti Talijani hteli u Istri zatrati naš starinski, materinski, hrvatski zajik, nego oni su već i svakemu našemu mestu u Istri dali talijansko ime, samo da prikažu svetu, da je Istra čista talijanska zemlja. Tako je junta va Poreč odredila da se Moščenice mora od sada zvati Moschiena; Kraj — Riva; Draga — Valle; Lovran — Laurana; Veprinac — Apriano; Gorenji i Doljeni Rukavac — Manciano

Superiore i Inferiore; Zvonča — Monsono; Puži — Pusiana; Klana — Catulana itd., a tako je junta odredila i za druge kapitanate po Istri.

Dakle ki ni slep more lahko videt, da bi Talijani hteli sve ča je u Istri našega starinskega zatrati i promenit s talijanskem, a va tem njima pomoru one propalice i izdajice va našem kapitanate, ki su od njih za to dobro plaćeni, pak sada more bit svakomu jasno da ti talijanski plaćeniki i njihovi pojdaši u Istri gerdo lažu i puk varaju, kada govore i pišu, da su oni za starinu i domaćinu.

Pak i ono ča govore, da su oni istarski Slavinci, i to je sve laž i prevara, zač oni su va talijanskim službe, a Talijani neće da pripoznaju, da je u Istri Slavinci, ni da ti Slavinci imaju kakove pravice. Mi smo za Talijane u Istri samo blago i niš drugo. Ki dakle po ordine od Talijani dela, ta dela proti nam, ta je naš neprijatelj, a od neprijatelja moramo se dobro čuvat, a svaki je on čovek bedast i prez pameti, ki svojega vlastitega neprijatelja pomore, da mu škodu dela.

A ča bimo oteli pak mi drugi?

Mi drugi ne iščemo, ni ne ćemo ni ne želimo a ni za ničerem drugem ne gremo nego da se u Istri ohrani i očuva naš starinski hrvatski zajik, kega su nam naši stareji kako baščinu pustili.

Mi ćemo da naš narod va Istri očuva svoju starinu i domaćinu da ne postane talijanski „čávo“, talijanski sužanj. Mi zahtevamo, da naš puk, naš kmet u Istri ima jednake pravice kako ih imaju Talijani i kako su mu te pravice garantirane od samega cesarskega zakona, dokle oni lažnjivci, oni talijanski prodanci i izdajice ne samo da nisu za starinu i domaćinu, nego oni delaju sve, da ta starina i domaćina propade.

Sada sudite ki pravo i pošteno dela, te izdajice, ki Vas Talijanu prodavaju, ale mi, ki delamo samo okol tega, da Vam domovinu spasimo od zla, a Vas od vječnoga sužanjstva!

Menaju se ljudi — menja se i svet.

Ovi dni je bilo va jednem velem francuzskem foje štampano jedno pismo, va kem je bilo protumačeno, kako se je zadnjih sto let ljudstvo promenilo ne samo va našoj staroj Evropi, nego i po celem drugom svetu. Od tega legeva pisma, ča ga je napisal učeni čovek, ki je pred nekoliko let bil francuzski ministar, mi ćemo znet vanka samo nekoliko:

Pred sto let naša je stara Europa izgledala nekako drugače. I va ono vreme ona se jo delila kako se i danas još deli na Francesku, Englezku, Rusiju, Njemačku, Austriju i tako napred, ali skoro sve te države, svatko kraljevstva i cesarstva imala su za ono vreme druge granice ili kumfine. Ali Europa je ostala, kakova je i prije bila, pak je upravo za čudo, kako je va tom dele sveta ljudstvo silno naraslo. Treba naime znati, da je va cijelo Europe leta 1801., to će reći pred sto let, bilo 175 milijuna ljudi, dočim ih sada ima 392 milijuna. Dakle pučanstvo se je za to vreme povećalo za 217 milijuni.

Tu veliku promjenu vidimo i kod pojedinih cesarstva i kraljevstva, tako je pred sto let va našoj Austrije bilo 25 milijuni duš, a sada ih ima 45 milijuni. Ča se Rusije tiče stvar je još čudnija. Dočim je to silno slavensko cesarstvo imelo pred sto let samo 36 milijuni ljudi, sada ih ima va samoj Europi 115 milijuni, neračunajući ovomo ono 35 milijuni, keh ima va Azije. Tu razliku vidimo i drugud po svete. Pravo je čudo kako je ljudstvo poraslo va Amerike. Koliko je tamo bilo onda ljudi, a koliko ih ima danas? A koliko ima tamo gradi ki danas broje milijun i više duš, a pred sto let ni se za njih ni znalo!

To se razumije da tolik porast ljudi moral je za sobom donest i pričinio mnogo promjena. O teh promjenah progovorit ćemo dojdici put.

Ča piše „teta Jambrožija“.

Kako da nisu imeli kemu drugomu, nego jušto mane su ju morali kalumat onu grubu i blatu „tetu Jambrožiju“, i još su mi zapovedeli, da ju moram svaki put vizitati od glavi do peti, i da ju moram ščipat da se naši ljudi nazmeju. Lepo delo prijimat u ruki onakova porkarju kakova je „teta Jambrožija! Ma ja se znam inžinjat. Znate ča stormi? Zamem vam par klešči, pak ju s kleščin držim, da ne oblatim ruki. Ki bi se „teta Jambrožija“ približil drugače ako ne zklešči. Dunko, da vidimo onu od subote. Joj mane, kako je profumana. Osobito na onem meste kade govorit za nekakovi „cevoli“ — ah! che soave odore! Ono su vam vidite Krstičeve rožice. Nego ča demo no, ono je jedino va ča se on razume — pisat porkarije, to je njegov kaval de batalja. Ter drugo mu ni ni za potrebu. Ako mu treba ča lepega i pametnega štampat za list — Stacionir mu je blizu, zame jednu kartu — i to pokle se je ono opeskal, prava kartu — pak ti gre zelenicom u Reku, onputa se sedne na trambaj, zaleti se do Flumeri, pasa preko mosta, najde hrvatski foj „Obzor“ pak ti mu oganjifa kadagod po celi Španak, kako ono zadnji put za inglezku kraljicu.

* * *

Nego po mojoj misli njemu nebi ni tegu trebalo. Njegovi mački se i z malim zadovolje: — kada im on emrkeva na onu gnjilu njegovu „tetu Jambrožiju“ kakova porkarju, ale kakovo god trubastirju — oni su s tim i prezadovoljni. On more delat ča ga je volja i pisat kako ga je volja — oni ne pitaju niš. Na primjer ča bi nam sve zmerili, da im mi onako pišemo, kako im to on piše, va onem njegovem trubastim pismu, keg je proval: Bečki i parlament. Nutri ćete nač besedi, kako „najdublji političar“, „zasjedanje“, „neizjednostanje“, „državni organizam“, „iz skripca“, „projekt“, „odlučujući faktor“, „namreć“, „z dosadanjima eksperimenti“, „paljivitama sredstva“, (digo Lovrana, Nino Rožin, Pepić Osojnik i kumpnija), znate li vi, da će reći: paljativna i sredstva? Pak i druge besed kao: „velebita zgrada“, „putuljki“, „dmisivo syjež“

i druge takove čisto hrvatske besedi. Da ih mi rabimo svi bi mački na nas skočili i svebi na nas zgreblji, zač da ćemo ih prodati pod Hrvatsku. A znate zač ih Krstić rabi? Za to, aži zajti neće nego na škrbinu, a tako i Krstićev zajčina beži na govor, keg ga jedanput mat navadila. I još neš, va tem istem pismu on je napisal i to, „da smo svi ljudi pa kano takovi da smo i svi jednaci“. A viš ga! Svi da smo jednaci! Rogi smo mi svi jednaci! Kako bismo mogli mi bit jednaci s čovekom, da keg je Fabiani rekao, da bi za beči storil takovo delo za ko se gre va pržun. Pak s takovom čovekom da smo mi jednaci. Bismo se volili poč na „Preluk“ otopiti radje, nego biti jednaci s jednom takovom propalicom.

* * *

Još je lepša ona kade ono govorit, daje starci Cicero napisal: Et Dalmatae semper valori si, fuerunt, i to da će reč, da su Dalmatinici poznavi kako junaci od oka. A malo dalje piše i govorit o sebi: „Mi potomei te junaka čutimo, da u naših žilah teče junačka krv...“ Ste ga čuli, kako je čutan? On da je potomak dalmatinčkih starih junaka, on? jedan Krstić, ki je va Boljune bežal kako zec, on Krstić, ki je z Jelšan letel doma kako Barateri, on Krstić, ki se je neki dan pustil u Lovrane tuč po nose, on Krstić, keg po tanceh rivaču, kako kakova vreću, on Krstić, ki se je od straha skril pod Rožinu postelju, on Krstić, keg na Novakih zatvaraču va kotac, on Krstić, keg na Voleškom čupaju z jaji, on, na jedan takov brzinčina ima obraza hvalit se, da je on potomak onih dalmatinčkih junaka. Eh! via buratino, to je pak malo previše.

Najljepša pak je ona, kade govorit, „pemesi va tra la schifosa gente“, i te će reč po našu: Skroz mane se gre među grijusne i smradne ljudi. Kako da nismo mi to i do sada znali!

* * *

Malo dalje govorit ta potomak onih Ciceronovih dalmatinčkih junaka, da on „ne more biti ni prijatelj ni neprijatelj hrvatskome narodu, z jednostavnoga razloga, ča takovega naroda u Istri nima.“ To je, vidite jedno velo iznašače. To je va isto vreme i jedno strahovito čudo za me! Kamo vraga su sli ti Hrvati, da ih ved u Istri nima? Ja se dobro spomenujem, da ih je još pred pet let — tamo negde va marte mesecu leta 1896. — bilo u Istri i to puno, puno. A da ih je leta 1896. bilo u Istri puno, puno, to nam svedoči sama „teta Jambrožija“, ka je onputa o njima pisala, da ih u Istri ima, da oni su tu u Istri, da pača ona ih je branila proti „ljutoj nemani“ proti „moštrom i beštijama“ kako je ona va ono vreme nazivala Istarske Talijane. Danas pak piše da Hrvati u Istri nima. Čekamo „tetu Jambrožiju“ da nam protumači, kamo su sli ti Hrvati va ovo pet let? A još ju prosimo i to da nam javi, ake je još kada napisat, da su Talijani ljuta „neman“ a Campitelli „pobenjavljani starac“, kako je to napisala va članke „Quosque tandem“ leta 1896.

* * *

Ovu neka drže Klanječi na pamete. Subotnica „teta Jambrožija“ piše ovo: „Dalmacija i dan danas broji se medju najplodnejemi zemljami umnikiš; pa da ta slavni od starine narod zamjeni svoje dične skokolove z jednem z Klanigom! To je isto kako reč, da se va Klanjou nemore ni roditi ni zgojiti čovek ni razuman ni pametan. Razumni se ljudi moru roditi samo va Arbanash u Dalmacije, ste razumeli Klanječi? Ja se pak žudim kako je pak mogao naš presveti cesar pozvat k sebi na obed našega Laginju, ki je ipak z Klanigom, kako bi to rekao Krstić, dočim Krstić ki je pravi Dalmatinac i potomak onih Ciceronovih junaka, ni našega cesara još ni videl! Temu se ja u istinu jako žudim!

* * *

Va „tete Jambrožiju“ ima još i druge nemotarji, ali dragi moji čitateli i prijatelji našega „Narodnega lista“ lepo vas prosim osloboditi me od muke, ku bin imel, da

vam sve to nabrojim. Ma ča čete, da vam nabrajam? Ča onu dugu klobasiju z Tinjanom, koj ne nezna ni repa ni glave. Čete ono z Moščenicu? Ah ne, ne — ter ono vam je vavrek jedno te isto, kad ste pročitali jednu od onih trubastoc, onda već znate sve. Dosta je da vidite napisano „Moščenice“, i već znate da tu pljuva na poštenje župnika, na čast vredne jedne gospodje, na ime nekih čestitih naših gospodica, ki svi skupa imaju samo ta grijeh, da su vredni i pošteni. Da ni tako, biste vidili kako bi ih „teta Jambrožija“ čestila i hvallila. A tako „teta Jambrožija“ hvali samo oštaricu Karlu i Kalušu z Dragi. A neka ih hvali, oni to i zaštuju. Osobito Karla — ona talijanska stela kometa.

* * *

A sada završimo z jednim „indovinolom“.

Son alto e bello come un cicisbeo,
Il naso go come un vero ebreo,
Son de sangue Kranjolin,
E non me vol la fija del Blejamin,
Sopravri go una goba —
E mi chiamo — Pika . . .

LUX.

Ala ki je vredan egonit, ki je to, da dobit jednu „tetu Jambrožiju“ za niš. Jur će mu zač tač rabbit.

Barba Tončić.

Svoj k svojemu!

Primamo od prijatelja našega lista: Liepa je to riječ Svoj k Svojemu. samo se s naše strane t.j. medju nama slabo poštujte. Sto znači to: Svoj k Svojemu? Svoj k Svojemu da reći jedan drugoga medju sobom pomagati, jedan da drugoga dobrega učiniti, jedan da drugoga nezaboravljati u nijednom slučaju, jedan da drugoga govoriti itd. Gleđajmo druge narodnosti i baš što se tiče stvari vidjet demo kako oni medju sobom ljepo živu, kako oni jedan drugogu podupiraju, kako oni jedan drugomu dobro čine i vidjeti demo da smo mi u toj stvari puno nazada, jerbo nismo složni kako bismo puno razbiti. Mnogo puta se dogodi medju nama da se govorit ovo i ovo ali samo na usta, pak kad treba raditi na radi se kako bi se moralno raditi. To su za naš narod stvari žalostne, jer ako budemo mi radili tako nadalje, propasti ćemo i izgubiti se na korist drugoga elementa i na škodu naroda našeg. Zato dragi narode! Gladimo svi skupa da se držimo liepe rieči: Svoj k Svojemu, da s tim pokazemo da i mi imamo srde narodno i da radimo za našu svetu narodnu stvar i vidjeti demo da je to korist velika i dobar lik za narodnu ideju i za našu budućnost. Zato još jednom: Brdo! Svi za jednoga, jedan za svih — Svoj k Svomu!

Čujte, kako se razgovaraju dva Škaljana.

M. Ča da su Škaljani puli Šimčića pili na dan izbori na račun Cirila i Metoda.

J. Su, su, zač su morali svaki svoja platiti ki je ča zapil.

M. Ali „Mačja“ piše da je bilo to na ta račun. Rad bi znal, je li ono poteklo iz Breze, ali pak . . .

J. Nebudi meni, ni one Breze ni videlo. Ono ti je va Klanjoj kovano, i to va dolinjin kraj rojeno, na Potoki krščeno, a va gorinjin kraj bermano.

M. To si i ja tako mislim, i zato pozivljeni ovu nedjelju, da pridi svi oni ki su va řeči od mački, va Škalnicu, kadi imamo opasilo; tu ćemo pogledati i račun delat, da vidimo da ni ki ča više prijet, a kemu bude manjkalo, če sigurno svoje prijeti.

J. Pak ča misliš da te se merebit ča bat?

M. Te vraka, kad slipcu tama neškodi.

J. Ma svejedno bi mogli priti kada ima Krapac onako dobro vino.

M. Ča sej za rendu pogodil?

J. Valjda je kada toči.

M. Tako i ta sej zbersila.

J. Aj će još ka ak do Bog.

M. Pak ča bi red da nete naši odgovarati.

J. Te, zač su nemi, až da je kakav domadi kmet ale makari i kosar, ma onemu onakovemu prodanu ne, zač to se ne prisložiti za pametnega čoveka.

M. Imam pravo i Bog.
J. Bog, Bog, do Vencencovi.

Dopisi.

Iz Lovrana. Dne 21. pr. mj. bil je u talijanskoj oštariji kod „Oesteline“ pozmati Krstić i okol njega se je skupilo nekoliko njegovih prijatelji raprezentanti, talijanski meštri, neke Talijani iz Italije i još nekih drugih. Kada su se malo napili, počeli su svi složno kričati: Evina Lovrana italiana. Kada je pak njihov „vredni“ prijatelj Krstić odilazil, šli su s njim do karoice i tu im je rekao: Lovrane, tenetevi sempre fermi alla bandiera istriana-italiana. Ovo kričanje: Viva Lovrana italiana, i bandiera istriana-italiana moralo bi otvoriti oči onem u Lovrana, koji govorit da oni nisu Talijani nego da su Istrijani. Kako se to slaže: Lovran talijanski — i njihova bandera talijanska.

I jedan del naših gornjih misli, da Krstić brani njihovu domadutinu. Onaj večer kada njih ni bilo dole on je prez straha pokazal kakav je i da misli, on je jedno govorit njim a drugo onem nekem va Lovrane. Gornjim pak puni glavu da demo jih mi pod Hrvatsku prodati, a onem nekimi va Lovrane kriči da je Lovran talijanski, da je naša istrijanska bandera talijanska. Onu večer bili su pak puli Celestini dva ki nisu iz grada; jedan je z Kali, a drugi z Lignja, kako se vidi baš su pravih našli. Jedan od teh dveh, onaj z Kali, je dapače tako velik prijatelj Krstićev, da je kapot sukal da Krstića obrani, kada je ono dobil ča je iskal. Neka re te a s Kali pazi, da mu prvo al kašnje ki drugi ne bude kapot sukal kako se je to pripitilo nekem bivšem prijateljem Krstićevem, a i samom Krstiću.

Iz Klanje. Onaj mačji harambaša stavio nas je nekoje Klanjece va Mačju Krpetinu. Mi smo mu valjda jako na putu kad nas ne pusti na miru. Nego mi znamo, da svaki koga on u svojoj plaćenoj Talijanskoj krpetini psuje i grdi, je pošten i pravedan čovjek. a da svi koje on hvali jesu kako i on neščeni i desperani. Da koji pristojni list štograd proti nam Klanjeci piše, mi bismo mu po dužnosti odgovorili, al onakovo gnusobli smatravamo, da nije vredno odgovoriti.

U ostalom sjegurni smo da ono nije bilo napisano u Klanji, jer svaki Klanjac i najprostiji zna, da smo mi uvjet jednaci kakovi su bili naši starici, to jest istarski Hrvati a i ostat čemo dok bude Klanja obstajala, makar onaj nesretni Talijani prodanc pušnju od jada, da nas ne može preobrnuti. Neka mački ne misle da su Klanječi bedasti i zalupani kako nekoj Rukavčani.

Iz Spinčići. Neki dan sam le nekako do jedne „Neslogi“ prišao. Večer nam ju mala čitala na ognjišče, lego kada je prišla do mesta, kada se napada na neki popi, je rekla da neće već čitat, až da ju je jako sram. Ako već tako sudi detetino od sedamnaest let, ča pak more mislit od pisanja „Neslogi“ odrasl čovjek. Za pravo reč, ni mane ne bijaše milo ono pisanje, kade še svakemu talanti nahađaju i inena zbiraju. Tako delaju deca kemi salo visi kada se svade međi sobum, a ne ljudi ki su i škole pasali. Ovo sam čul jur i od mačak govorit, pak je trebada to Krstić u naši prido, pak da insemplja svoju marvu, valje je napisati va „Neslogi“: „Nećemo iz principa na njih (to će reč na Hrvati) se osežati i šovraimeti (keh imamo pritech va našoj fabrike koliko nam drago) navalit“. — Viste ga malo! Tako piše, a svejedno on taj isti folj pun mu je osež i šovraimeni al kako bimo mi rekli zmeranja. — Ca neće to red imet onaj ki ga čitalu kako se ono po domaću reče — za tovara?

Piše nam drugi dopisnik iz Klana dne 29. januara 1901. Prema vam tiskajući va nad lepi „Narodni List“ ovo par besedi, neka i Klanjci znaju, ki je mačji. Na Antonu večer bili smo kod gospodina Antona Medvedića, da sa žumljućem vina i veselom pjesmicom počastimo njegov imenad. — Malo potle smo poslišali drugoga Antona, a putem su dva mladića zapivali ono: Jambrožija mija kara — i tako napred. Ki je huj storil? Celo je večer čekal poznati Klanjski Talijan prik potoka i je počel špotat onako po njegovu, ač mu nebi ni sam vrag zajika pridobi; a i njegova žena ka je na jeziku njemu jenaka počela je mladiće špotat: „Dugo platite, duge, pak onda od drugoga kantaće“. Ma Bože moj! ča nju briga za ljudske duge, neka se skrbi za se, a mi znamo, da se ki god če dela, a njeni gospodi niš; mi se čuđimo mej sobum, kako žive i od kuda, aš oštarja malo hita, aš je sve ljudi odagnal. Tako oštarja niš, — dilat isto niš — nego po zimi siditi poli peći, a po liti pod orili, tako nikl mora dajat.

Pak još takov čovik bi tel neč bit. Klanje, Klanje! čuvajte se takovih, sad kad budu izbori za upravno više. Ni bližu takovih ljudi, ač nisu bolji od obermačka. Čujejo još od eniga, neka Klanje znaju od koga se maju čuvat. To vam je naš Župančić. On vakev hodi k talijanskom abokatu koga su Talijani na Volosko poslali, da za Talijane, dakla za neprijatelje našega naroda dela proti nam. Ki se pak z neprijatelji našega naroda pača, ta je sam naš neprijatelj. Zato Klanje, sad kad to bit izbori za upravno vede, ali kako bi Župančić rekao za mištračijo, ako mate samo zrno soli va glavi ni bližu takovek ljudi, zač bi Klanje brzo sla rakom zviždat. Za danas dosta.

Iz Kaštelira. Pak da nisu šutjavi neki ljuži mreži nami. Ma koga oni slušaju? Oniga li im zio želi, i ki se za njih niš ne škrbi. Recite mi malo, što nam je dobitka učnija naš župan Mekiš? Je popravljaj kakovete ali ceste? Je nam učnija lipu lokvu da ne moramo piti kaljužu? Sobi je načinjava 2, ali nama nič. On pensa: Samo da ja imam, a oni šutjavci neki si načine sami, ali neka piju kaljužu. A ča ni ono grdo gledati ona vrata na turmu tako razbita, da i bestije moru poći u turan? A zašto neda popraviti ure. Morda je za to pustija one škulje, da ura ima več arije i da bolje gre? A jadan svit! Ter i dica vre onuda laze u turan. Govore, da imamo na našim komunu šest najst sto duga. I to je lipo. A što imamo za taj dug? Imamo morda lipe ceste i pute, ali imamo kakovu lipu lokvu ali šternu? Svega toga ni, ma duga šijor ši. Pak da nismo slipi, da takova raprežentanca trpimo. Ala još već nego alipi smo jadni mi šutjavci. Raje nego su dug učinili su mogli dat ih onim svojim prodanum podrepnicam, da se malo pomoru. Ali ovako nisu učinili ni jedno ni drugo.

A na Božić ste vidili kako se je Šijor Kilo vrtija u crkvi poli večernje? Kad su dica korn počela pjevati hrvatski i kad je gospodin plovan reka pred oltarom: „Kruh s neba“, se je počeo vrtiti i česati za ulo, kako da je na traju. A kada su pak dica pjevala onu lipu kralja pismu: „U sej vrime godišta“, je poša van iz crkve. Ča je to lipo, recite mi malo? Zašto pak pjevamo: Svi jezici zapjevajte? Šta on pera da Bog zna samo latinski? Sram ga more biti, najprvo Boga pak ljudi, da bizi iz crkve, kada se piva u njoj u našim lipem zajiku. Ter kako ga je mat vadila? Što morda latinski? A jadni mi, kamo smo došli? A što mislite, da hodi on u crkvi s pravim ardecem? A da! Samo per far bela figura, da mu ne rečemo, da ni pravi kristjanin. To je samo finta, dragi moji. On bi najraje da se u crkvi nikako ne piva i da crkve ni. Ma kada je tako mora i on va crkvi, za lipu figuru.

Damu, damu . . .

Damu, damu, damu, damu,
Rekli su nam Bersečani,
Da neće biti Talijani.

Damu, damu, damu, damu,
Rekli su nam svi Dražani,
Da će te njima Afrikani.

Damu, damu, damu, damu,
Da će te njima Afrikani,
Kašulani, Kapulani,

Damu, damu, damu, damu,
Rekli su nam Luranci,
Pikaroba j' prez krijanici.

Dama, damu, damu, damu,
Rekli su nam pak Poljanici,
Pegani da su svi Kranjci.

Damn, damu, damu, damu,
Čuli smo va Opatije,
Krsto daj' pul Jambrožije.

Damu, damu, damu, damu,
Rekli su nam Voleščaki,
Mađari da nete težkiji.

Damu, damu, damu, damu,
Rekli su nam Leprindani,
Da su bili popljuvani.

Damu, damu, damu, damu,
Rekli su nam Rukavčani,
Da te brzo bit Furlani.

Damu, damu, damu, damu,
Rekli su nam i Brežani,
Da su malo inšempiani.

Damu, damu, damu, damu,
Rekli su nam oni z Breži,
Da te postat Kalabrezi.

Damu, damu, damu, damu,
Rekli su nam Matuljani,
Da su mački dišperani.

Damu, damu, damu, damu,
Rekli nam je Ambrozina.
Da je Krstić pun morbina.

Damu, damu, damu, damu,
Rekli su nam pušku Kučeli,
Da ga plača Kampitelji.

Damu, damu, damu, damu,
Rekal nam je i Lovrina,
Da mu j' trbuš — domaćina.

Damu, damu, damu, damu,
Rekal nam je Rozin Nino,
Da mu več ne škodi vino.

Damu, damu, damu, damu,
Rekal nam je oni Pušić,
Njemu da je Bog trbuši.

Damu, damu, damu, damu,
Rekal nam je i Fritaja,
Da mej žene rad zahaja.

Damu, damu, damu, damu,
Rekal nam je Konstantini,
Da su malo tri kvartini.

Damu, damu, damu, damu.

Domaće vesti.

Dan slave u Kastvu — gradu. U po nedjeljak dne 4. o. m. bila je u Kastvu svečana sjednica, u kojoj je novo izabrano zastupstvo izabralo svoga načelnika. Izabran je bio sa svimi glasovi dični naš domorodac vredni dospidin Kazimir Jelušić. Iza sjednice bio je u „Narodnom domu“ skupni objed, kod kojega je učestvovalo do 60 osoba. Za vremje objeda palo je mnogo lepih dravaca od kojih je većina bila izrečena u zdravju novozabranom i vrio oblijubljenomu načelniku Miru. U večer je pak bio Kastavgrad sjajno razsvjetljen, dočim se je kroz cici dan na „Fortice“ pučalo iz topica i muzara. A radost je iz grada prelala i u okolicu — i tame se pučalo i pjevalo a sve u slavu dobrog načelnika, koji je već u ovo razmjerno kratko vreme, što se nahodi na čelu one drevne občine, stekao za nju i za njenu pulk neizrečenih zasluga.

I mi od „Narodnoga lista“ ne možemo a da se ne pridružimo občoj radosti slavnog grada, te u nadi da će nas za buduti broj naš vredni i revni dopisnik pobliže izvestiti o tečaju te znamjenite sjednice, šaljemo novozabranom načelniku g. Miru Jelušiću i rođubljnom odboru i celom zastupstvu najsrdačniji pozdrav, uz želju, da ih Svevišnji

poživi na mnoga ljeta na čast i slava drevnoga Kastav-grada.

Domaća zabava na Voloskom. Subotu na 2. o. m. bila je na Voloskom, na mjestu, kade je prvo bila tiskarna, mala ale upravo lepa domaća zabava. Bili su onda nekako sve sami svoji ljudi, pak se je čovek utih više nego doma. A tancalo se je deš Bože više, a sve pod nekadanjom muzikom — armonikom i bajsom. One gospodje, ke su bile tako fanjske, pak su nam priredile tu lepu zabavu, nisu otele druge muzike, ka puno košta, zač su znale, da bi onputa ostalo malo za našu potrebnu Družbu sv. Cirila i Metoda. Pak znate, ča da Vanu je redi Mi znamo, da su se onako zabavljali i naši starci, a i mi sami va našem destinjem, pak ni čudo, ako nam arec godi, kad se opet najdeme va jednoj takovoj prilici, ka nas spominje proših vremen, toliko više, ča znamo, da su ta vremena bila koliko toliko lepša, nego su ova današnjost. Spomenut ćemo još, da se je one večeri našoj Družbi prekoristilo oko jedne stotine krun — a i to je neč. Jos neč. Zač se nebi i po drugih mesteh plesal lepi istavski tanac, kako se je one večeri tancali na Voloskom pod kumandom našeg g. Brajše. — Na kraju pak još jedna srdačna hvala onem gospodjicam, ke su ono sve onako lepo ure dile. Brave!

Zabava „Lovora“ u Opatiji. Ovi dni je to naša fanjsko draživo razposalo na sve strani poziva za zabavu, ka će bit va našoj „Zore“ u subotu na dan 9. o. m. Čut se se lepih pesmica, a ovoga puta će se dat i jedna komedija. To se razume, da neće falti ni tanac. Ljudi! zadnji dni su pusta — za to gledajte, da vam ne pobegne ova zabava.

Homo k Mihotičem. Nedjelju na 10. o. m. je va Mihotidih sopeta zabava. Neku nijedan ne fali poč onu večer goro k onem vrednim ljudem, kade je čovek upravo kako doma.

Za našu družbu sv. Cirila i Metoda primili smo od gosp. Vinka Mavričić iz Drage k 5, sakupljeni dne 26. o. m. u veselom družtvu kod domorodca Mateta Kinkela u Dragi, a davovali su gg. Vinko Mavričić, Aleksandar Mohović, Božo Jurković svaki po 1 k; Niko Rubinik i Ivan Velčić po 50 l; Andre Sandalj 40 h; Mate Kinkela, Marija Kinkela, Andre Sandalj po 20 h. Od gosp. Ivana Sušanji iz Perenica k 5, sakupljeni dne 27. o. m. na njegov predlog prigodom kršćenja u kući g. Rudolfa Perman u Jušićih br. 16. Od g. Augustina Viškanić k. 8'50, sakupljeni dne 28. o. m. u krčmi Ivana Vlaha u Jušićih, a dalli su gg. Ivan Vlah otac, Luka Jurđana, Franjo Milostnić po 1 k; Ljudevit Cetina iz Jurdani, Ivan Vlah Miser, Josip Vlah Županović po 50 h; Mata Perman 40 h; Rudolf Perman 80 h; Ivan Vlah sin 20 h. Kod g. Josipa Šepić i Matuljih dali su g. Eugenija Šepić i g. Frane Ferranda po 1 k a Augustin Viškanić po 1 k.

Mi svem ovem domorodcem u ime one kmetske dečice u Istri, kem je družba sv. Cirila i Metoda za Istru do sada zazidala u skolu i prisluhala učitelja i one koji će to od sada storiti, najlepše zahvaljujemo. Pomislite samo da 15 tisuć kmetske dečice u Istri, ka bi po zakone moralu školu hoditi, nime nikako školi, zač njim ju istarski Talijani, ki imaju škare i sukno u rukah ne daju I zato mora naša družba z narodnemi župi te školi odpirati. Pak još imaju one crne izdajice, razbojnici, propalice i talijanski predatori kurajući proti družbe pisat i govoriti!

Kotarska gospodarska udružba — Opatija pozivlje sve svoje članove da dodu na glavnu skupštinu, koja će se obdržavati u Beršecu u nedjelju dne 17. februara t. g. u 9 sati u jutro. Dnevni red: 1. Pozdrav predsjednika. 2. Izvješće tajnika o radu g. 1900. 3. Izvješće blagajnika. 4. Izbor novoga tajnika. 5. Možebitni predlozi.

S Bogom dobrog domorodca. Kako nas je, na našu žalost, pred malo dana ostavil g. Slavik, tako smo se ove dane morali odsliti i od drugoga prijatelja naše narodne stvari i lilsta — naime da g. Jakova Pekešića. Mi ga srdačno pozdravljamo, kô što se i on sa svoje strane putem našeg lista opršta od svih svojih prijatelja, kojih je on za vreme svoga osamgodišnjega boravka u Opatiji žabio mnogo i to diljem cijelog našeg kotara.

Dva beseda o podružnicu Družbe sv. Cirila i Metoda u Lovrani. Iz godišnjeg izvješća te podružnice vadimo sledeće: Naša „podružnica“ ustrojila se je dne 9. oktobra 1898. Na taj dan dobila je najviše članova a hvaljenoj trudnoj sl. odboru nadošlo je još i mnogo drugih. Mlađe naše družtvu već je i žalost odušilo. Dne 7. februara 1900 preminala je njegova tajnica gdje Franica Turčić, koja je poznata ljubavi prema hrvatskom materinskom jeziku bila na čest družtvu i odboru, a bila bi mi sigurno i na veliku korist, da je nemila smrt nije prerano ugrabilo. Težko nam je, kada ponisimo, da smo izgubili i drugu domorodkinju, od koje smo mnogo očekivali, gojicu Luciju Trminic. Što je odbor „pedražnice“ toliko želio, to je prošle godine i mogao učiniti. On je naime predio zabavu za svoje članove. Držala se je dne 26. februara u prostorijah „Hôtel Riviera“. Bila je vrlo lepa, na čest družtvu i našim u Lovranu. Za dvie godine svoga obstanka „podružnica“ je sabrala i poslala središnjoj Družbi u Opatiju 203 krine 34 helera. Za procvat „podružnice“ mnogo je učinio pomorski kapetan Franjo Turčić, za što mu se je skupščina topli zahvalila. — U odbor za godinu 1901. izabran su: ravnatelj gosp. Josip Tominić, pomorski kapetan, tajnik gosp. Emilio pl. Peršić, pomorski kapetan, blagajnik gosp. Higin pl. Peršić, posjednik.

Talijanski berkati agitator va berhane na Voloskom. Najveći agitator za talijansku stranku na Voloskom vam je jedna berkata gospa. Ona celi dan ne dela drugo nego kako zvan sebe teče od kući do kući iskat voti (al bi bolje storila da gre pamet iskat!) Sad vam je va Talijanskoj republike pul Budi, sada va kranjskoj Italiji, sada doma i same predika da njoj još fali samo 13 voti (viši vrata punto de Juda!). Ona govori da komad čeka da Krstić pride malo bliže bivat zat da je pul Matulj malo preveć dug. Neka se samo malo strpi će več brzo prit va hotel na Volosko.

Nesrećan čovek. Pred mesec dan po prilike kupil je neki g. Schwartz villu Gatinjer na Vasanskoj. Prej nego se je kuntrat storil šal je ta g. Schwartz va Beč po novci za kuću. Tamo je va jednoj banke zadržao 29 tisuć fljorini i zajedno je odputoval nazad u Opatiju a beči je spravil va jednu malu valizicu, ku je sobom va želenicu zel. S njim se je ukrcal va Beč jedan drugi gospodin i on z jednom valizicom. Kad su več neko vremje putovali počel je g. Schwartz dijetat a home je i zaspal. Kad se je pako probudil onega drugoga gospodina ni več bilo. Valje je pomislio na kakova slepariju, prijel je u ruk valizicu, ka je pul njegova stala i na svoje velo čudo videl je, da ni to njegova valizica va kojoj su bile tisuće. On drugi gospodin je bil zel njegovu z beči, a svoju praznu mu je pustil i šal va jednom malem stacione vanku i — ki ga je videl, videl ga je. Gosp. Schwartz je dal valje telegrafat na sve bandi da se tata ferma, ma ni pomoglo niš. Kad je prišao nazad va Opatiju pomnila mu se od žalosti za tisućami pamet i moralu su ga peljat va Beč va špit od munjenih. To je bil va istinu nesrećan čovek.

Žalostno stanje domaćih postolari va našoj občini. Imeli smo priliku čut tužbi od naših domaćih postolara, da ne mora već ni živeti ni umret. Va Voloskom-Opatiji je toliko postolari, da ni jedan od njih nema nikakove dobitik. Ako se pomici, da svi moraju, al dobijaju al ne dobijaju, plaćat patentu da moraju plaćati kako visoki fit na butig i na stanovanja onda va istinu moramo priznat, da njihovi dobitki ne moru pokrit njihove troške. Valja naime pomislet i na sliju draginju življjenja a vrhu tega i na to, da skoro svaki dan pridi postolari z Reki pak prodava u Opatiju storeni postoli, zimlje meru da novi i stari za popravit, kako da sve to ni dosta, skoro svaki mesec pridu nekakovi židovi ki prodavaju po kućah svake šorti storenili postol. Kapitanat zna da reški postolari ki ovde ne plaćaju nikakove patente, prodavaju po Opatiju postoli i našemu postolaru kruh u sti zimlju, kapitanat sam dava židovom dopušćenje, da smje postoli prodavat po kućah, kapitanat zna, da naši postolari već nemaju naprvo, pak bi bilo već skrajne vreme, da se malo za njih po-

prine i da barem zabranu reškem postolaram da prihajaju ovamo našem kruh z usti zimati, da ne dava već dopuščenja za prodavat postoli po kućah. Mi smo segurni da će oblast providet da se žalostno stanje domaćih postolari poboljša.

Još jedna tužba. Tuže se gospodari hotela i pensiona u Opatiji radi slaboga dobitka u nastaloj sezoni. Dočim su u prijašnjih godinama u ovo doba bili skoro svi hoteli i pensioni dapači i privatne kuće zaprimljeni sada je mnogo toga još prazno jer još nema stranaca. Krivo je tonu pogano vreme, koje je ovim mjesecom nastalo. Nego mi mislimo da je i krivnja u tome, što se je u zadnje vrieme strašno povećao broj hotela, a navlastito pensiona u Opatiji. Ta svaka druga kuća je već pension. Obrotna oblast po našem sudu nebi smjela podišljivat toliko tih obrtnih dozvola, jer ako ima previše takovih obrtnika tad nastane nepoštana utakmica i liči konkurenca uslijed koje mnogo njih propadne a tri i sam ugled ljeđilista. Naglasili smo ovo, da se po mogućnosti uvaži i pomogne.

Smrt domorodkinje stare korenike. Na 29. januara o. L. umrla je u Malem Lošinju nakon duge i težke boli, spravljena s Bogom, gospa Antonija udova Skopinić, baba (nonica) našega Ante Belanića, va visokoj starosti od 93 leta.

Istarski iridentisti vavek kantaju, da je Istra čisto talijanska zemlja pul tega lažu i znaju da lažu. Pokojni Antonija ud. Skopinić je bila rojena i uzgojena na Malem Lošinju vavek je tamo bivala, pak svejeno ni znala ni besedi talijanski, nego vavek je govorila va svojem materinskom, hrvatskom zajiku. Kad je naš Ante Belanić bil još malo otročić ona ga je više puti zimala na kriko pak mu pivala hrvatske narodne pisme o Kraljeviću Marku i Kačićeve pisme.

Mi staroj domorodkinje kličemo: labka njoj bila domaća zemlja.

Provokatori dobili bakalara. Pul Josipa Šepića na Matuljih je svaku nedelju o pustu na večer tanac, kade se matuljske divojke i mladići tancaju zabavljaju. Viši puti su se pasane leta i voloski mladići zavrtili na tem tanče vavek va mire i složnije z matuljskimi mladići. Nego ovo leto su neki ter neki voloski talijanski ferkalasi odlučili pog svaku nedelju na Matulji smutnju delet. To vam je jedna kompanija da je nelebi lepe? (?) našli da ju s feralom isčeće. Tu vam je Ercole, Basalja, Mamo Šestica, lovrenški Poperdilo, Žbandani i drugi takovi i kranjski Talijan je kapobanda. Upravo se moraš čuditi kako i s kuda ih je veter skupu spravil.

Na tanče pak — budući su sve pravi Talijani kako i on Kranjac ki nezna ni besedi talijanski — deru se ko munjeni: „Viva Istru Italiana“ i druge bedastoste.

Matuljski mladići su to neko vreme trpeli, ma njim je pak nedelju na 3. ovoga meseca zavrelo pak su počeli okol desete uvečer tuđu po talijanskim tikvah, kako i po praznem lonceh. Ala ma su ti talijanski deljili bežali put Voloskoga a s njimi jedan mačak s Puhari kega je bilo strah doma bežati nego je s voloskimi Talijani drito na Volosko bežali i pote u fugi zgubili 25 fijorini. Neki da se je tombuljal kako i kompir po blate, neki da je bragesi napunil (najbrže Mamo) a nijedan da se ni fermal dokle nisu na Tošinu prišli. Bravo Matuljci! Sa kraboljsku fugu ste tem talijanskem poprili dom!

Ma se va istinu nijenaru ne čudimo ako ne onemu Kranjskemu Talijanu. Nezna ni besedi talijanski pa bi po sile hotel bit Talijan. Ča ga je morda sram da je Kranjac — Slovenac? Puli nas je dosti Slovenac, pak su svih oholi da su Slovenci, i pravo je, zač svaki pošten čovek i domorodac mora dići se svojom a tuđe poštivat. Svaki pak ki za volju tuđega svoje vlastito pod nogi hita, ta je izdajica, ta je hulja i ni vredan da ga zemlja nosi. (Ne čudim se ja njemu, ne, nego onem, ki gredu još k njemu meso kupovat. Opazka štampadura.)

Svega po malo.

Arbanas Krstić u Reku. Jednega večera, bit de tegu negde oko leto dan i više, grobnu ti je naš junak u Reku na korse na tla i bil se je dobrahno udri (ako ni delal za fintu, opazka štampadura). Pak ča mislite, ki mu se je smileval? Ki drugi ako ne Hrvat. I zel ga je ta Hrvat i naš dobr i prijatelj pod svoj krov i zval mu je duhatora. Kako se vidi i Hrvati su kadagoder Krstiću dobr. Kad mu je bilo malo bolje, Krstić se je počel tužit i plakat, kako mu je žal (tako se on više puti evenji, kad ima potrebu od Hrvati, op. sl.) da je zašal na krivi put, ma da je još na vreme da se popravi. I prosil je još rečenoga gospodina, da ga pomiri sa Spinčićem. Za pečat pak svemu prosli ga je, da mu posudi 5 for, a naš dobar čovek Hrvat mu ih je dal. Kad ga je rečeni gosp. potle zadnjih izbora negde va kavane videl i čestital mu, da se je prodal Talijanu i da je s tem pomogao dobit talijanskoj stranke, naš junak se ni znal braniti, nego je junački pogagal. Je to pošteno delo? Naš novi Talijani al mački, kako jih neki zovu, mora se baš veliki držati, da imaju za kapa takovega junaka. Ala dobit će tisuće fijorini, ako je vredan dokazat da ovo ni istina.

Brižni Halubljani. Neki dan je Krstić negde rekao: da, brižni Halubljani! Neka već nikada tako ne govori. Halubljani nisu brižni, a ako će već koga pomilovat, to neka pomiluje oni Rukavski, Leprinski, Lovrenški i Mošenčnički tovari, na keh da Benatti va Beč na parlamentat jahat, kako nam to kaže trščanski Brivac. A Halubljani su ljudi kako trebe, oni se ne puste od nijednega za nos vuć. To neka jedanput za uviek zapamti on duhutor Fazolar.

24 „mački“ ranjeni. To Krstić piše, nainu da su za vreme izbora za petu kuriju bili ranjeni 24 mačka. Ja ču da valje svaku najbolju svoju krvavu s štali, ki mi je vredan dokazat, da je bil ranjen, dokle su bili izbore. Ako je ki ča kašnje dobil neka nosi. Bilo mu pod na dobu doma. Pak mi ne moreniko verovat, da je tegu toliko bilo. Mi znamo da naši „mački“ imaju tvrdi kožu, pak da ih se ne more tako lako raniti. Nego ja znam, ča je bilo. Ki god da našeh če bit bil morda komu „mačka“ na rep stal, pak je ta morda ranjavka! Krstić je valje županje bile pod sekocijastu Kastav? To bim ja rad znat. Još se tuži da su neke županje morale poč u grad balotat, pak da njim je bilo dugo tri ure hoda do grada. Ste ga videli? Po mojoj nemoj glave najdalje je Brgud, a ni to ni dalje od grada, ako ne obile dve ure. To se zna, da su mački hodili tri ure do grada, aš su delali stajališta po mačjeg ostarjah da se nažeru i naloču ala mala. Ter i Mužina od Milici je moral poč preko Jušić u grad. Ki njim je bil vragi krije, ako su krunzili okolo grada kako marčeni mački okolo kuća. Beše im poč ravno u grad, kako gredu ljudi.

Odsudjena veprinska Talijanka. Na 14 i 15. januara bila je propisija va Veprinc. Gosp. Korić Frane od Antona z Veprinca napisal je, da on i njegova družina govore hrvatski (zač drugačije ni ni mogao napisat). Kad je to doznao Dujmić udova Marija z Veprinca, počela je okolo trubit, da je Korić Frane prodal celu familiju pod Hrvatsku i da špancira okolo z bebi, ke je prijet z Hrvatskoga. I zaradi takovih bedastost, ke nebi nijedan ni najveći tovar na ovem svetu večeru cela je družina počela gosp. Korića grdo gledat. Njemu ni bilo druge, nego da onu nesrećnu žensku tuži. Na 6. o. m. bila je proti toj ženskoj razprava i bila je odsudjena na 7 dan pržuna i 14 kruna troška. Dobro njoj stoji! Drugi put neka stavi zajik za zubi, ako ne more mučat.

Razgovor mej jednim našim čovekom i jednim mačkom.

Mačak: Abiba Benatić, abiba!

Naš čovek: Ča te trubh boli? Zač vapiješ abiba Benatić?

Mačak: Za to, zač je ou naš deputat.

Naš čovek: Nemo, Benatić je živi Talijan.

Mačak: Nekaje, ma Benatić je Istran, kako i ja.

Naš čovek: A naš Laginja — ča ni ion Istran?

Mačak: A ne.

Naš čovek: A zač ne?

Mačak: Za to, zač ni Istran.

Naš čovek: A kako to, da ni Istran?

Mačak: A za to zač je s Klaniga.

Naš čovek: Pak ča ni Klaniga va Istrre?

Mačak: Aj ja.

Naš čovek: Dunke, ako je Klaniga v Istrre i ako je doktor Laginja rojen va Klaniga, onputa mora i doktor Laginja bit Istran.

Mačak: A vej si ga!

Naš čovek: Ti si trubilo!

Mačak: A vej si ga!

Naš čovek: A zač si pak glasoval za Benatić?

Mačak: A za to, zač su mi dali pit i jist i jedan fijorin.

Naš čovek: I zač još?

Mačak: Zač je Benatić Istran.

Naš čovek: Ma ti si glasoval i za Krstića va četvrtog kurije?

Mačak: A sam.

Naš čovek: A zač si pak za njega glasoval?

Mačak: Za to, zač sam dobil jist i pit i jedan fijorin.

Naš čovek: I zač još?

Mačak: Za to, zač je Krstić Istran.

Naš čovek: Ma Krstić je Dalmatin.

Mačak: A ja — Krstić je Dalmatin.

Naš čovek: Krstić je Arbanas.

Mačak: Ter je — Arbanas.

Naš čovek: A ako je Krstić Dalmatin i Arbanas, kako deš da bude Istran?

Mačak: Vej si ga vrag.

Naš čovek: Ma zač si onputa za njega glasoval?

Mačak: A vej si ga. — Dobil sam jist i pit i fijorin.

Naš čovek: Ti si trubilo.

Mačak: A vej si ga.

Naš čovek: Se je na to obrnul i rekao Sada vidim, da je Krstić lažak z mački vladat. Ovakove bedaste bukve bi moglo i malo deta po volje obrnjevat i valjat, ako deš i po blatu. Daj njim ti jist i pit i fijorin — po deš imet od njih sve ča deš. To su bukve, a ne ljudi.

Telegraf „Narodnega lista“.

Bać, 6. febrara. Po onem ča se je dogodilo na prvoj sednici, more se već napred sudit, da de va Parlamente ostat sve onako, kako je i prvo bilo, a izgleda nima, da bi se mogle stvari kakogod uredit. Sve je kako na žeravici i svaki se pita, ča će s tega vaska prit. Ljudi ni zadovoljila ni beseda, ku je naš cesar pred svim zastupnicizikal poneljk na 4. o. m. Osobito se slavenški zastupnici tuže na predsjednika od ministri, ki da je cesar škompunil i napisal on govor.

Svakak mira nede bit, a tomu je krivo to, da bi Nemci oteli sve imet, tako da Slavenom ne ostane niš.

Bać, 6. febrara. Talijani su kumedijski stori, da predsjednik parlamenta ni spomenul da je lane bil ubijen talijanski kralj Umberto. Ma su čudni ti Talijani, kako da mi nimamo va Austrije drugoga posla nego mislet na talijanskoga kralja.

L istarska radionica opanaka

Podpisani preporuča sl. p. n. občinstvu svoje bogato obskrbljeno skladište svake vrsti opanaka, koje rasprodaje na veliko. Naručbe po mjeri izvadjavaju se točno i solidno.

Umjerene cene. Bez konkurenčije.

Mirko Vukelić
VOLOŠKO (Istra).